

Cylchoedd Gorchwyl Pwyllgorau: Y Pwyllgor Ymchwil

Yn adrodd i'r: Senedd.

Yn cyfarfod: 4 gwaith y flwyddyn

Adolygwyd ddiwethaf: Awst 2018; diwygiwyd ddiwethaf: Awst 2018; i'w adolygu nesaf: Gorffennaf 2020

<p><u>Aelodau:</u></p> <ul style="list-style-type: none">• Dirprwy Is-Ganghellor (Ymchwil, Trosglwyddo Gwybodaeth ac Arloesi) (Cadeirydd)• Cyfarwyddwr Rhagoriaeth ac Effaith Ymchwil (Dirprwy Gadeirydd)• 3 x Deoniaid Cysylltiol y Cydadrannau ar gyfer Ymchwil, Trosglwyddo Gwybodaeth ac Arloesi• Pennaeth Cynllunio• Pennaeth Ysgol y Graddedigion• Cadeirydd Pwyllgor Moeseg Ymchwil y Brifysgol• Cynrychiolydd o Undeb y Myfyrwyr <p>9 aelod.</p> <p><u>Cworwm:</u> 5 aelod, i gynnwys un o Ddeoniaid Cysylltiol Ymchwil y Cyfadrannau</p>	<p><u>Yn gweinyddu:</u></p> <ul style="list-style-type: none">• Rheolwr Monitro Ymchwil a'r FfRhY• Rheolwr Datblygu Ymchwil• Rheolwr Datblygu Busnes a Datblygu Ewropeaidd• Swyddog Effaith Ymchwil <p>Os yw'r Cadeirydd yn barnu bod hynny'n briodol, gellir gwahodd swyddogion eraill y Brifysgol i gyfarfodydd.</p>
-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

Cyfrifoldebau:

Swyddogaeth archwilio a chynllunio sydd gan y Pwyllgor Ymchwil ac mae'n cynghori'r Senedd ar faterion yn ymwneud ag ymchwil, gan gynnwys: strategaethau ymchwil y sefydliad a'r cyfadrannau; paratoi ac adolygu cyflwyniad y Brifysgol i'r FfRhY; adrodd ynglŷn â grantiau ymchwil allanol a enillir; adrodd ynglŷn â'r defnydd o grantiau ymchwil mewnol; datblygu staff ar gyfer ymchwil; y rhyngwyneb rhwng addysgu ac ymchwil.

Cylch Gorchwyl:

1. Ystyried ac argymhell y dylai'r Senedd gymeradwyo'r isod:
 - a. Adolygiadau a newidiadau i brosesau a gweithdrefnau rheoli a llywodraethu ymchwil y Brifysgol.
 - b. Cynlluniau i ddatblygu amgylchedd ymchwil y Brifysgol yn unol â mentrau lleol, cenedlaethol a rhyngwladol, gan gynnwys datblygu a chefnogi ymchwil.
 - c. Datblygu a chadw golwg ar Strategaeth Ymchwil y Brifysgol, gan gynnwys datblygu a monitro Dangosyddion Perfformiad Allweddol (DPA).
 - d. Rhoi arweiniad clir i'r Cyfadrannau ynglŷn â threfnu a rheoli ymchwil, gan gynnwys amlinellu isafswm y disgwyliadau ynglŷn â swyddogaethau a chyfrifoldebau Deoniaid Cysylltiol y Cyfadrannau ar gyfer Ymchwil a Phwyllgorau Ymchwil y Cyfadrannau;
 - e. Cymeradwyo Strategaethau Ymchwil y Cyfadrannau a'r Adrannau
 - f. Adroddiadau o'r Grŵp Monitro Ymchwil, yn manylu ar ddulliau'r Cyfadrannau/Adrannau o gyflawni amcanion ymchwil strategol.

2. Ystyried a chael yr awdurdod i gymeradwyo'r isod ar ran y Senedd:
 - a. Datblygu, awdurdodi, gweithredu ac adolygu polisiau'r Brifysgol sy'n berthnasol i gyflawni strategaeth ymchwil y Brifysgol.
 - b. Cyngor gan y Brifysgol wedi'i anelu at fanteisio i'r eithaf ar gyfleoedd a chynlluniau cyllido a ddaw o ddylanwadau allanol ar ddatblygiad ymchwil, gan gynnwys polisiau cyllido ymchwil CCAUC, y Cynghorau Ymchwil, a'r Undeb Ewropeaidd.
 - c. Datblygu agwedd strategol y Brifysgol tuag at y Fframwaith Rhagoriaeth Ymchwil, ac i adolygu paratodau a pharoddrwydd Cyfadrannau / Adrannau am y FfRhY.
 - d. Datblygu canolfannau ymchwil rhyngddisgyblaethol.
 - e. Darparu mewnbwn strategol i weithrediadau'r Adran Ymchwil, Busnes ac Arloesi.
 - f. Cynghori Cyfadrannau/Adrannau a'r Ganolfan Datblygu Staff ac Ymarfer Academaidd ynglŷn â gweithgareddau addas ar gyfer ymgynefino, hyfforddi a datblygu i'r holl staff sydd â chyfrifoldebau ymchwil, ar bob cam o'u gyrfa.
 - g. Cynghori'r Swyddfa Datblygu a Chysylltiadau Alumni ynglŷn â blaenoriaethau ymchwil ar gyfer gweithgareddau codi arian.

3. Derbyn adroddiadau er gwybodaeth a chynghori'r Senedd fel sy'n briodol ar:
 - a. DPA cysylltiedig ag ymchwil, sydd wedi'u cynnwys yn Strategaeth Ymchwil y Brifysgol
 - b. Strategaethau a mecanweithiau i hyrwyddo gweithgaredd ymchwil, gan annog ceisiadau cryf am grantiau ymchwil, a hwyluso ymchwil amlddisgyblaethol a rhyngddisgyblaethol.
 - c. Datblygu agweddau ymchwil y gynghrair strategol rhwng Prifysgol Aberystwyth a Phrifysgol Bangor, a datblygu a chynghori ynglŷn â gwaith cydweithrediadol gyda phrifysgolion eraill yng Nghymru a sefydliadau eraill cenedlaethol a rhyngwladol.
 - d. Derbyn manylion diweddaraf ar gynnydd gan Grŵp Concordat Ymchwilwyr Aberystwyth sy'n arolygu dull gweithredu'r Concordat i Gefnogi Datblygiad Gyrfa Ymchwilwyr
 - e. Agwedd/dull strategol y Brifysgol ar gyfer uwchraddedigion ymchwil.
 - f. Hyrwyddo ac ymgorffori cydraddoldeb a chynhwysiant yn holl weithgareddau ymchwil y Brifysgol.
 - g. Y rhyngwyneb rhwng addysgu ac ymchwil, er mwyn sicrhau mai addysgu a dywysir gan ymchwil a geir yn bennaf.

Gall y Pwyllgor sefydlu Grwpiau Gorchwyl a Gorffen i ymgymryd ag unrhyw rai o'r cyfrifoldebau uchod ar ei ran. Cytunir ar aelodaeth a dulliau adrodd Grwpiau Gorchwyl a Gorffen o'r fath gan Gadeirydd y Pwyllgor Ymchwil neu Ddirprwy Gadeirydd priodol, yn ôl gofynion busnes.

Gweithrediad

Bob chwarter blwyddyn, bydd y Pwyllgor yn cytuno ar adroddiad i'w gyflwyno i'r Senedd yn amlinellu'r materion allweddol a gyflawnwyd gan y Pwyllgor yn ystod y chwarter, gan ganolbwyntio'n benodol ar benderfyniadau a wnaed gan y Pwyllgor ar ran y Senedd, yn unol â'r awdurdod a ddirprwywyd iddo yn rhan o'r cylch gorchwyl hwn.

Gall y Pwyllgor ystyried materion a gyfeiriwyd ato gan y Cyngor, y Senedd, neu Weithrediaeth y Brifysgol.

Os yw'r pwyllgor yn cytuno ar argymhelliad ynglŷn â'r Strategaeth Ymchwil i'w gyflwyno i'r Cyngor, rhaid cyflwyno'r argymhelliad i'r Senedd yn gyntaf i gael sylwadau cyn iddo gael ei ystyried gan y Cyngor.